

常德府志

湖南常德府志

地

263.91

135

21-6

嘉慶十八年輯

常德府志

本衙藏板

常德府志序

楚自春秋通中國後聲名文物  
埒於齊魯而常郡野分文明國  
堪用武包洞庭之險控五溪之  
要昔秦惠王欲以武關外易之  
後司馬錯拔楚黔中地漢建武

間遣馬援征武陵蠻援營壺頭  
險不克進宋李綱疏請鼎澧之  
間宜宿重兵謂號令可通西蜀  
聲援可接襄漢是歷秦漢唐宋  
以迄於今常雖一郡而全楚之  
盛衰實係焉且常之衣冠澧樂

為湖右最武陵舊事南楚新□  
大拓善道士風者其書多不傳  
惟宗懍荆楚歲時記載埴鼠璞  
二書至今淹雅之士咸採取焉  
然宗戴雖並為郡人而敷求博  
攷一則多井里風俗之好尚一

則僅名物典故之異同其所紀  
已小而所以詳建革以立經制  
辨淑慝以昭勸懲準物產以達  
政治崇教術以歸典則者固未  
之逮也常德之有志始明永□  
其後網羅散失志凡六脩□□

朝屢

詔天下郡邑纂脩志乘而常志自康熙九年脩之距今百三十餘年一時文獻幾于世遠難徵嘉慶丁卯薛愚溪太守慨然復為倡脩惜視事年餘即解任去而志

書仍弗克就戊辰秋余奉命來守茲郡脩舉廢墜靡不切心當甫下車時其所為生全覆育以勸其善搜剔剪刈以懲其惡勞心案牘握管如馳曾不得息至於稽事載典彰往詔未則博□

君子責也余方謝不敏今民稍  
稍便安余乃得取其志稿而釐  
定之曰進郡之熟于掌故者刪  
其繁冗補其闕略俾一時之述  
作上以備

聖朝國史之採擇下以供荆楚通志


之搜求庶幾言之文而行之遠  
也是書成則不必南望衡陽北  
窺夢渚西窮巴峽東瞰鄂黃而  
虞帝之城而如登善卷之臺而  
如造也黃帝鑄鼎之港若涉之  
武侯洗墨之池若過之鍊船鐵

塔其事不誣石磬石柱所言不  
妄馬將軍之薏苡不明可驚也  
梁都尉之尸祝不絕可訝也讀  
屈子之離騷究易東之象義決  
決乎魚米饒足之鄉冠蓋往來  
之地迎紫姑者以卜蠶也肖金

剛者以逐疫也人多礪落壯亮  
海襟嶽節湛然與湘水同其清  
鬱然與衡山媲其高矣而皆得  
於此編遇之  
峕

大清嘉慶癸酉二月朔日知湖

南常德府事宜□應先列撰



常德府志

卷一

序

六

常德府志序

志者史之一體今郡邑之有志  
其體昉於此蓋志者記也記一  
郡之分野疆域沿革建置以及  
田賦兵防之大民風物產之細  
條分縷晰溯其原而竟其委俾

序

一

按冊以稽不出戶庭之間而可  
達於四境之遠志之為用大矣  
我

朝聲教漸被幅幘最廣一郡所治  
若州若縣若衛所大者或千餘  
里小者猶數百里守者不能遍

履而躬詣也然則欲悉風土辨  
險易施教令舍志之考而誰考  
與至於名宦鄉賢文藝列女以  
逮於方技之倫旁搜博採登之  
簡冊則又兼仿諸史世家列傳  
之例其地近則考核易以實又

序

三

其事尠則叙述易以詳下以昭  
風化之成上以備

國史之採此又文獻之林而守土  
者之所當亟於從事矣然此猶  
統而言之耳夫為山為澤或僻  
或衝分疆畫土斷有不齊而政

事由之出焉審察於山川風土  
之宜廣資於前言往行之美徵  
驗其是非得失之跡因地所緩  
急以為政之先後因政之先後  
以為志之詳略使從政者讀其  
志若著蔡焉自非通達治體與

序

三

時消息罕不至如胥吏之案牘  
徒備抄襲者嘻豈易言哉常德  
府之有志肇始於康熙九年厥  
後百數十年無繼之者乾隆中  
郡守李君大霽增修有稿經前  
制軍畢秋帆先輩點定而其書

未完逮嘉慶丁卯戊辰之間前  
郡守鮑君薛君先後纂集至今  
守應君始告成焉余考常德一  
郡秦漢時為黔中地唐宋以還  
分置鼎朗諸州今試以全楚之  
形勢論之自荆襄以西涉大江

序

四

歷孱陵澧陵以達於常其再西  
則辰沅諸郡深林密箐苗民所  
窟穴而滇黔萬里水陸所由道  
也歷代以來稱為扼隘

國朝駐通省水陸提督於此以控  
制之洞庭浩汗粘天無壁為宇

內藪澤冠輔以青草赤沙之險  
沅漸諸水又經緯而襟帶之所  
謂澤國也則考其山川險阻修  
飭戒備以寧戢中外與夫講求  
水利慎其宣洩用宅爾宅畋爾  
田俾無旱潦裨之二者為守郡

序

五

之最先且急而即志郡者之所  
宜博考而詳著也夫有其舉之  
莫敢廢也志書之作其有關於  
郡之利病者既如彼而由康熙  
初年以至於今僅一再修補其  
成書之難又如此則因時蒐羅

以補其遺漏固其所也若惟是  
飾為美觀備故事而已豈修志  
之意哉余故述之以諗夫後來  
者

嘉慶十八年歲次癸酉五□□  
湖使者三韓馬慧裕撰

序

六



原序

從來一代必有史一郡必有志史固爲石渠天祿之秘而志於境內山川形勝田賦戶口備載焉雖一郡之紀著實一代之版圖誠與史並重也考楚爲古荒服而常德據荆上游抱洞庭而控五溪粵蜀咽喉滇黔門戶可稱衝繁巨邑明季以來流寇相繼蹂躪殺戮之慘亦較他郡爲最余奉命出撫楚南凡車馬之所周耳目之所及爲地方興利革弊休養元氣或奉章入

告或極力舉行已不待披閱簡編始悉各郡疾苦然兵燹之

常德府志

卷一

原序

一

餘一切版籍多付衰草寒烟久則文獻無徵愈致湮沒何以垂示將來郡守胡向華收拾殘缺蒐輯而修復之典紀一新書成十卷諸凡創制沿革輿圖則壤以及人物風俗備悉無遺於此可徵守之留心敷治矣雖然睠茲殘疆赤子皆屬鋒鏑餘生予方寢食靡寧無計登之衽席惟守與民最親其間誠求懷保率邑令以共圖安全予尤於守有厚望也夫

康熙辛亥夏月朔資政太夫巡撫偏沅等處地方兼管糧餉都察院右副都御史前內秘書院學士纂修

國史副總裁官遼東盧震識

原序

古昔列封之國各有紀載成周命職方氏以主之史乘之設實權輿於此粵自改封建以還今之郡城卽古盛時之方國也凡山川土田星躔分野人物風俗阨塞險易戶口物產世代源流靡不備具用以供采風俗者因利乘便通好惡以整齊之俾民志勿之有惑非徒志封疆飾觀覽已也閒嘗曠覽輿圖洞庭爲宇內第一巨浸而常德實鎮其西據荆楚上遊爲吳蜀咽喉當滇黔戶牖 朝宁之上每重念斯地凡永億萬載不拔之基者未嘗不於此固扃鑰也况英賢輩出人文相望實楚南巋然一雄鎮也則敷陳

常德府志

卷一

原序

一

故實者惟於志是賴常德之志板燬於兵火僅抄數卷應上之檄取其間以訛傳訛舛謬遺落弗可究詰又且於明之中葉後悉泯然無傳百年於茲矣丁未夏仲予奉

命來守此邦見其輪輓輪蹄者曰夕不休禋祀應歆者闕焉弗舉體制無存禮教衰息或者曰兵燹之餘卽陋成習獨不聞貞淫靡常志趨無定沿民情以施利導斯其時矣爰稽古載簡編殘缺用是戚然靡寧維時立意修復一艱於貲又難其人屢進紳士而謀之諸縉紳輩僉舉二人其一賀君竒其一劉君昌臣二公皆博雅名宿也敦請以襄厥事旣而劉君以學使優遷駕稅 都門賀子毅然獨任弗

辭然而卷帙多則參訂難周事類繁則蒐輯匪易惟慨襲  
蠹餘之緒論避翻駁之微嫌而載集盡錄舊本噫嘻紀典  
所重傳信不傳疑由來尙已滄桑逝變運會不無遷流昔  
存而今廢胡可執也忠孝節烈觀感由之振興昔墜而今  
修胡可畧也風俗有異同因革無定局宜俗而不宜戾俗  
弗能拘也物產隨土宜生殖因地靈淮橘而濟貉弗能強  
也况浮文少實昔人忌之賀子遂翻然極力讎校釐正前  
修另創體格隨事晰義有因革有損益有昔詳而今畧者  
有昔畧而今詳者溯流尋源循事考實任其實不任其文  
至於闕畧遺亡擷芳搜逸沿聲察行斷者續之微者顯之

常德府志

卷一

原序

二

昭義例以著其本末揭原委以明其是非不古湮而馨時  
艷不遐遺而比親昵諸凡人物風俗瞭然著矣庶乎一郡  
信史也是役也始事於己酉八月歷徧伏臘歲積一周越  
次年八月而卒業焉惜也游夏無需一贊壁劃獨成一手  
余雖間有討論愧以簿書俗冗寡文渺識其遍歷則未遑  
然於五短三長又所弗計也茲者熙績有成工付剗劂效  
數言以述其始末云

大清康熙九年歲在庚戌仲秋月望前二日常德府知府  
兩當胡向華書於府署思補齋

序

志乘一書肇於漢而其原則本之周禮所以紀四方之山川風俗民物土田以周知九州地域廣輪之數誠要典也常德爲古黔中地控引巴蜀襟帶洞庭爲往來滇黔舟車要道自秦漢以迄于今其間因革損益時代變遷之故日新月異欲深悉其事之所由著而不至懵然於厥心舍志其何由攷覈哉余於癸亥涖常卽索圖籍披之藉以知一郡故實而自康熙九年以後缺焉無聞深懼舊典廢墜遺事失傳意欲重

常德府志

卷一

序

一

加修輯未幾緣事解任弗果丁卯春郡守薛愚溪先生視事武陵旣下車凡諸政典以次舉行旋及志書一事請之上憲咸以爲然因與四縣合議共相擘畫得以有成余重念愚溪先生之深求民瘼旣足補余所未逮而今者修志之舉又與余心有暗合者因作而言曰人情之所以觀望不前齟齬日甚者大抵可與樂成難與謀始耳今太守不以是爲緩圖急急焉修舉廢墜俾一時之經費有出董事咸得其人其用意不可謂不深而任事不可謂不勇矣不特此也事

不師古則率意而妄行言不稟經則謗陋而無識今觀是書所載雖祇一郡故實而星躔分野朗若列眉地理輿圖瞭如指掌閱戶口之繁知生殖之所由庶緬文物之盛知騷雅之所由宗吏治貴振興也則宦蹟必詳其實苗疆期撫馭也斯戎兵當樹其威他如氣候物產之殊仙釋災祥之異莫不纖細具載以博聽聞是豈徒誇多鬪靡爲哉凡以前事之師足爲後人考鏡者正未有艾此其所以登之紀載不憚備細周詳耳余忝總修之任自維淺植敢爲克擅三長陳

子卷山孝廉悉心搜採纂輯有年是編之成實多裨益異日 彤庭染翰發石渠天祿之藏闡金簡瑤函之秘是又鼓吹休明潤色鴻業所不容已者吾能無厚望於陳子與夫校讐之諸子也哉

嘉慶十三年十二月仁和鮑錕譔

凡例

一是志以大政冠首繼列輿圖用開方法圖其廣輪之形使道里遠近一覽瞭然至境內名山大川有掌故可考者附載數圖舊志八景瑣碎繁複一概刪除

一沿革遵錄

大清一統志常德府屬表復檢各史原文逐一考核脗合全志所收人物事跡刪繁補漏均以表列爲準餘不泛及

一星野舊皆載弁全書不知此惟一統志爲宜方志不得效之今但附輿圖考後以備占驗至時令俗諺不

常德府志

卷一

凡例

一

盡雅馴別列叢談

一關隘形勢常德雖止一郡然歷代有事於荆南者郡其攬轡之初舊跡史不勝書今於關隘採錄稍詳形勢但節載數語無事誇耀

一山川山鎮亘古不移水則壤濱洞庭下流率多湮塞遷徙以水道提綱之詳博不知漸水之所在今取水經辨證明確由目考而非臆測有新增者皆謹志其實不至範水模山有乖志體至舊載簡畧不根此門尤甚茲悉採取別籍補訂成書

一古蹟陵墓原與山川附麗今並錄之免致分類繁碎

惟郡屬名區齊梁分王子弟遺詠久湮今檢各書補其缺畧析其舛訛於考証不爲無助陵墓品級甚崇者例應收載間有潛德不彰亦表著一二以示仰止之意餘則未許概登

一建置皆本之舊志參合通志新增者查對案牘自明以來頗無遺缺津梁附於坊鄉其育嬰養濟等堂舊附公署今移附於積貯之後

一賦役各志多止載今制不及前代以

國有成憲無事搜求然考古所以鑒今常德舊籍殘缺僅檢前史載其約畧惟明代頗詳兼採萬歷間龍膺府

常德府志

卷一

凡例

二

志粗具本末蓋不考前代之煩苛無以知今日之逸樂我

朝輕徭薄賦勒成賦役全書惟正之供所爲順

帝則於無疆也謹依條彙錄昭示簡冊至隄防與賦役相表裏生齒之繁昌實

國家所軫念關係甚鉅故附載之並及社倉荒政

一秩祀皆遵照禮部則例及奉頒湖南祀典舉其大綱畧其儀節並附以舊祀寺觀

一風俗湖南通志美惡並載畧於古而詳於今用寓彰瘴之義今兼採前代志美而不志惡居此土者用各

務本力田以昭

熙皞之治不復縷列弊端

一學校教化之原備載公典意取便於考求不得以事涉雷同任其荒陋其載及修建始末者推原創造之艱以作多士之氣

一武備固圉之本郡在秦漢卽爲用武之國而歷來兵制無徵皆節錄一代通制以識源流明代設衛指揮等官舊志差爲可據今以提督駐札巍爲重鎮兵制俸餉悉備志之並附以記兵祥異以類相從

一物產各志僅載名目爲避抄襲本草之嫌然劉知幾

常德府志

卷一

凡例

三

譏史家不志宮室物產以爲非是今宮室已詳見建置則物產不得獨從簡畧楚爲騷國沅芷儲英間採他書匪盡襲舊

一藝文分經史子集兼及序跋至金石一門在鄭氏通志實爲創例各志有分門者今附藝文後其餘詩文另有常德文徵茲不備載

一表本史例皆詳及爵位年分世系各志僅具姓名以當標目今列沿革藩封職官選舉人物共五表一郡掌故畧盡於斯無傳者亦照舊載事跡分注以備考証無者仍之

一 人物立表原於班氏今分類列之皆本各□□□□  
而稍有增損緣以 旌例爲重觀者縱橫□之□□  
一 畧之名起於劉向鄭氏因之作通志畧今政畧實□  
舊志名宦因史無此例故變用之蓋旣屬名宦則不  
得與郡人同一列傳而主於紀錄自與論定殊科存  
以甘棠去而益詠政不在詳及生平

一 列傳見歷史者卽錄本傳蓋千秋論定惟史爲大舍  
本傳而別立傳自屬贅語若在明史尤不敢擅爲點  
竄今並錄載全傳論世知人斯堪取信

一 史傳原有廉吏一門今一郡之書實不便分析若過  
常德府志  
卷一 凡例  
四  
爲區別則舊志所載者已多可刪後來者復難概入  
故但以列傳統之

一 人物出仕臨民有事業者入列傳德行著聞撰述可  
考者入儒林詩集文集能厭人心者入文苑以及忠  
孝節義總歸實錄至規行矩步風概猶留教授生□  
遺澤未泯旣無事業其文章亦不概見仍仿前□□  
行之例以收之

一 凡其人見存者概不列傳蓋身後論定乃忠□□□  
例至傳中附載後嗣必其人尙有表見方□□□□  
信爲珍冒濫之譏所不敢蹈若牽連附□□□□□

例

一列女舊志通志有傳者概行全錄新採較多十之七八其事跡相同者亦十居七八今撮其情節差異□立傳餘悉列爲表不盡係傳之有無以爲輕重

一方志以地方官爲主實亦領於史職舊志行文多有稱郡侯邑侯及稱公者今志內古人自大儒以下今人自一品以下皆一例稱名間有考據不備稱姓稱字姑仍舊文

一史主法戒無裁制則有胥抄之弊志記因革非引證則有杜撰之嫌方志裁制引證不可偏廢今於引用

常德府志

卷一

凡例

五

書目綱止一條則分注於下目有數條皆直冠於首酌用二例庶不至錯出不倫

一全書皆參合舊志通志總志各縣縣志取其精要詳核載入名宦人物但有增添並無刪削惟中間徵引別籍多錄原文故較舊爲增

一郡志自康熙九年創修之後曠百餘年未經重輯中間文獻幾於無徵嗣薛愚溪太守復爲□□□□□之紳士六七年來雖已褻然成帙公餘□□□□□所不免廣求博搜尙俟後之君子

重修常德府志啟

括地成圖世紀垠環之簡採風作志史傳郡國之書一邦之典故所存上路之軒轅斯在顧歷年既久文多豹鼠之訛閱世恆新事或滄桑之異千里之提封廓爾大有舊聞百年之紀載闕如遂成陳迹粵夫常德名區黔中故郡星躔分野三台司命之垣版宇畫疆五服巡衡之地北連江漢引荆門鄂渚之雄西接黔巫控草屨花裊之微擁清波於萬頃表裏平湖鎮神鼎於三峯周環沃壤雲烟蒼鬱丹砂善卷之壇花竹繽紛絳萼瞿仙之洞赤沙青草秋漣與夜月交輝虎齒龍巖春氣亦朝嵐並秀屈原巷裏香草如

常德府志

卷一

重修啟

一

聞沈約臺前書聲未歇懷人間之潔士應汲萊國之泉酌天上之酒星合訪崔婆之井琵琶洞古聆神仙樂以鏗鏘茉莉石存望摩利天而縹緲一泓烏浪尙餘洗墨池中十里紅香多在采菱城畔槐樹之金燈四照山號裨牛柳陰之玉乳千簪洞名歇馬若乃馮君孟敬極治行忠烈之竒丁氏易東擅經術儒林之美文汝霖毫端吐鳳塞赤幟於雞壇胥必彰日下乘驄飛青霜於柏府風送花磚之影仁甫則譽滿鸞坡光騰藝苑之輝文弱則勳書麟閣濬清河於冊里眞無慚慈惠之師策荒政者十條更不愧神明之宰段光啟奮刀殺賊達惟德割股救親他如解囊恤粉社

之貧輸粟調翳桑之餓情愴羊棗李廸之純孝堪型義重  
麥舟賈堂之高風可仰而且青閨勵節紫闥完貞□古井  
之波瀾皆醇風之鼓盪至於居正之竒謀慣用山賊膽寒  
伏波之顧盼自雄溪蠻魄落張師繹一壺冰湛陸濱海兩  
袖風清敷歷卅年棠陰尙在撫循六載黍雨猶存勒惠愛  
之碑倪君時多善蹟徵大昕之鼓袁侯丕振文風自古宰  
官不廢吟咏由來儒吏大抵風流庭有餘閒喻政之謳歌  
不輟案無積牘朝陽之敏斷何多憇桃李之芳園人懷樂  
令製花貓之雅曲我愛劉郎萬派洪濤此時猶薦青公之  
祀千年遺愛當日曾攀方守之轅更有兩檝僑居一鞭流

常德府志

卷一

重修啟

二

寓行吟大澤誰招屈予之魂垂釣寒潭雅慕嚴光之節凡  
此皆風流繼起大可蒐羅時勢推遷尤宜掇拾豈可令紅  
蟬碧蠹永貽缺陷於來賢綠帙丹經莫備典章於大郡淇  
懸藜丙夜筮仕丁年曾究名山二酉之觀獲窺石室三長  
之秘恭膺

簡命來守圻封抱扶綱植紀之懷以問俗觀風爲亟爰稽記  
志竟成一綫之延溯厥校讎迺在百年以外胡可已也有  
其舉之猶憶星渚停車戟門樞謁承大憲之明訓屬守吏  
以重修悵府乘一編久無善本合朗江四屬可少完書釐  
訂魯魚雅有蘭臺碩彥整齊亥豕正須芸閣鴻儒懸通市

重修常德府志姓氏

閱定

兵部尚書兼都察院右都御史兩湖總督馬慧裕

兵部侍郎兼都察院右副都御史湖南巡撫廣厚

翰林院侍讀提督湖南學政湯金釗

同定

湖南布政使朱紹曾

湖南按察使慶炆

分守岳常澧道岳慶

總修

常德府志

卷一

姓氏

一

常德府知府應先烈

分修

常德府同知唐景曦

署常德府同知王改

常德府通判文亮

總校

武陵縣知縣許紹宗

署武陵縣知縣毛夢蘭

桃源縣知縣李英

龍陽縣知縣張在田

署 沅 江 縣 知 縣 陳 宸 書

分校

常 德 府 教 授 瞿 家 整

常 德 府 訓 導 吳 肇 禋

武 陵 縣 教 諭 胡 昭 翥

武 陵 縣 訓 導 陳 之 謨

桃 源 縣 教 諭 曾 大 章

桃 源 縣 訓 導 王 步 雲

龍 陽 縣 教 諭 宋 之 桴

龍 陽 縣 訓 導 黎 大 魁

常德府志

卷一

姓氏

二

沅 江 縣 教 諭 駱 孔 僕

沅 江 縣 訓 導 戴 安 禮

督刊

署 常 德 府 經 歷 姚 紳 安

纂稿

武 陵 縣 舉 人 陳 楷 禮

採訪

廣 東 惠 潮 嘉 兵 備 道 前 禮 科 給 事 中 趙 慎 畛

禮 部 主 事 羅 志 謙

國 子 監 博 士

國子監學正戴南□

四川川北兵備道黎學錦

原任安徽太和縣知縣周森

原署廣東龍川縣知縣阮世醇

湖北羅田縣知縣陳本禮

廣東候補知縣伍鼎臣

武陵縣舉人張琳

武陵縣舉人楊丕復

武陵縣貢生蔣維光

武陵縣職員戴大盼

常德府志

卷一

姓氏

三

武陵縣學生員周邁倫

桃源縣舉人文運陞

桃源縣廩生劉鎔

桃源縣廩生羅瑋

桃源縣廩生余世清

桃源縣職員張朝恩

龍陽縣拔貢生張昌宇

龍陽縣學生員廖溶

龍陽縣學生員周大聘

沅江縣舉人王□□

沅江縣貢生吳□□

沅江縣廩生陳琦

校刊

武陵縣舉人吳登選

武陵縣拔貢生劉文炳

常德縣廩生楊丕為

武陵縣廩生陳槃禮

武陵縣廩生王泰階

武陵縣監生戴逢聘

武陵縣學生戴大溶

常德府志

卷一

姓氏

四

常德府學生員陳耀南

武陵縣學生員唐尙扶

武陵縣學生員唐開韶

武陵縣學生員張正綱

武陵縣職員向廷燦

繕寫

武陵縣學生員韋行中

武陵縣學生員陳啟焯

經管

武陵縣禮吏劉□□

首册

詔諭一卷

常德府志

卷

目錄首册

常德府志目錄

凡例

紀二

考十

表四

畧一

傳七

凡五例二十四篇計四十八卷

紀二  
上下

皇朝大政紀

卷之一

常德府志

卷

目錄

一

古大政紀

卷之二

考十

輿圖

十八副

輿圖考一

卷之三

沿革

疆域

星野  
氣候

關隘

形勢

山川考二

上下中

卷四之卷六

山川

古蹟

陵墓

建置考三

上下

卷七之卷九

城池

石櫃

公署

會館

驛遞

坊鄉

津梁

賦役考四

上下

卷十之十一

戶口 烟戶

田賦 土貢

隄防 破堰

積貯 荒政

秩祀考五

卷十二

廟壇 舊祀  
寺觀

風俗考六

卷十三

鄉飲  
酒

學校考七 上下

卷十四之十五

公典 修建 義學  
書院

武備考八 上下

卷十六之十七

兵制 塘汛  
屯田

俸餉 紀兵 災祥

物產考九

卷十八

常德府志

卷

目錄

二

藝文考十 上下

卷十九之二十

經史子集 金石文字

表四

封建表一 附傳

卷二十一

職官表二 上下中

卷二十二之二十五

選舉表三 上下中

卷二十六之三十一

人物表四 上下

卷三十二之三十三

畧一

政畧 上下

卷三十四之三十五

傳七

第一冊

卷一

輿圖

卷二 考第一

輿圖考一

沿革 疆域  
星野 氣候

卷三

輿圖考二

關隘 形勢

常德府志

卷一


一冊目錄

一






桃源縣圖




每方三十里







沅江縣圖




每方三十里

五






六




洞好湖圖


湖圖




陽山圖




金霞山圖



九




國渚圖






楚山圖



金牛山圖



滄水圖





五

橘洲圖









常德府志卷一

紀第一

皇朝大政紀

常德自順治初入版籍百數十年來

國家輕徭薄賦盡除前代苛政與之休息每遇水旱偏災

無不蠲賑疊施民生熙皞曠古所僅見矣中間經制之

興建民事之修舉其經發帑項繫於茲土者輒依年次

編之爲紀

大清

世祖章皇帝順治四年丁亥

王師平常德

常德府志

卷一

大政紀

一

〔舊志〕先是故明悍鎮馬進忠王進才等擄掠男婦剽劫  
貨物上至桃源下至龍陽居民逃避數百里絕少人烟  
至是聞

王師蕩平爭各歸來咸獲寧宇

九年壬辰

詔定各直省錢糧照明萬歷間則例其天啟崇禎時加增者悉

予豁免會典

十一年壬午

詔蠲順治六年七年民欠地丁銀湖廣通志

十二年乙未

詔蠲賦有差 通志

聖祖仁皇帝康熙元年 壬寅

詔蠲賦有差 通志

謹按我

朝

列聖相承重熙累洽其間遞邀

恩詔歲有蠲除顧府志歷久未修多佚其事其輪蠲年分有不

可考者今畧依通志補之疑者闕焉

四年 乙巳

詔蠲賦有差 通志

常德府志

卷一

大政紀

二

十三年 甲寅 二月僞總兵楊保□犯常德其父原任提督楊

遇明為內應常德潰 東華錄

十八年 己未 二月官兵復常德 □ □ 錄

武陵桃源龍陽旱

詔蠲賦有差 舊通志

二十年 辛酉

詔蠲賦有差 通志

二十一年 壬戌 奉

旨豁免龍陽賊殘復荒田糧自十三年起至十八年止 龍陽縣志

縣志計豁免八百八十七石八斗零又十四年水潰大

圍堤等障失額糧二千六百零

二十三年<sup>甲子</sup>湖廣提督移駐常德府城

〔中樞政考〕國初提督原駐武昌康熙十年移駐荊州

府二十二年因分防將軍駐荊州提督復駐武昌至是

移駐常德由是荆湖南北聲勢聯絡

二十五年<sup>丙寅</sup>

詔蠲賦有差通志丁各謹按通志係湖南福建兩省

三十八年<sup>己卯</sup>

詔蠲湖南省三一九年地丁雜稅銀通志屬銀數缺常德府

四十三年<sup>甲申</sup>秋武陵桃源旱

常德府志 卷一 大政紀 三

詔蠲賦有差舊通志

通志共銀四千五百有奇

四十四年<sup>乙酉</sup>

詔蠲賦有差通志

四十五年<sup>丙戌</sup>

詔蠲賦有差同上

四十七年<sup>戊子</sup>武陵水

詔蠲賦有差同上

四十九年<sup>庚寅</sup>修常德大圍堤

詔責成地方官專管著為合會典則例詳請委員康熙四十年圍堤

南港障五十六年督部院滿請發帑修給  
有堤州縣加修嗣後龍陽遵例歲帑

五十年辛卯

詔蠲免各直省地丁銀通志年分常德府屬

五十二年癸巳

詔自康熙五十年以後審增滋生人丁永不加賦通志

五十五年丙申 武陵龍陽沅江水

詔蠲賦有差通志

五十六年丁酉

詔蠲賦有差通志

六十年辛丑

常德府志

卷一

大政紀

四

詔蠲賦有差通志

世宗憲皇帝雍正四年丙午 夏武陵龍陽沅江水

詔蠲賦有差舊通志

五年丁未 夏武陵龍陽沅江水

詔蠲免全賦仍發帑賑卹有差全上

七年己酉 秋武陵龍陽旱

詔蠲賦有差全上

詔各直□丁銀白雍正七年為始均攤人地糧內徵收全上

詔蠲武陵宿郎堰田賦並舊欠錢糧詳堤防

武陵□稿先是雍正四五兩年大水堤潰至是永遠蠲

除額賦其武陵龍陽各障悉發帑增修

八年庚戌

詔蠲賦有差通志

九年辛亥 建築舵桿洲石臺

十三年乙卯

詔免十二年民欠錢糧

通志此項民欠豁免大槩業戶受惠者十勸業戶捐其

五以惠佃戶

詔禁革各州縣落地稅通志

高宗純皇帝乾隆九年甲子 覆准龍陽沅江八年水災

常德府志

卷一

大政紀

五

詔酌予賑恤通志

修府城石櫃詳建置

十年乙丑

詔蠲免各直省地丁銀常德府屬於十一年輪免通志

十一年丙寅 覆准湘陰武陵桃源龍陽沅江五縣乾隆十年

被旱

詔着按分數蠲免仍行賑卹緩徵湖南通志

十二年丁卯 覆准武陵藍山二縣秋被水災

詔按分數蠲免並照例賑給同上

十四年己巳 夏武陵龍陽沅江益陽新化澧州石門永定八

州縣大水

詔先行賑卹仍分別蠲免其不能懇復田畝照數豁除通志

二十六年辛巳 武陵水

詔酌予賑卹

縣案計錢六千七百一十九千有奇

三十一年丙戌 武陵水

詔酌予撫卹

縣案計錢五千九百七十三千四百有奇

修府城石櫃詳建置

三十五年庚寅

常德府志

卷一

大政紀

六

詔普免各直省錢糧常德府屬於本年輪免縣案

四十二年丁酉

詔蠲賦有差

四十三年戊戌 武陵旱

詔予撫卹縣案

縣案計銀一萬九千四百八十一兩五錢二分零又借

給牛具口糧一萬六千一百三十二兩一錢二分全行

豁免

四十四年己亥

詔普免各直省錢糧常德府屬於本年輪免縣案

四十五年庚子修桃源石櫃

五十一年丙午武陵水

詔酌子撫卹

縣案計銀四千三十一兩零

五十三年戊申武陵水

詔借給麥種工本

縣案計銀一萬七千六十兩八錢全行豁免

五十四年己酉修建府城石櫃詳建置

五十五年庚戌

詔蠲賦有差縣案

常德府志

卷一

大政紀

七

五十六年辛亥

詔常德府屬錢糧於本年輪免全上

五十七年壬子

詔豁免湖南省未完民欠

縣案計銀一萬二千七百六十餘兩此項俱武陵縣五十年被旱五十一年五十二年五十三年被水緩徵共正耗銀一萬二千七百六十八兩六錢零他縣並無帶徵緩徵之項

皇上嘉慶元年丙辰

詔蠲賦有差常德府屬於元年二年三年均免

二年<sup>丁巳</sup>奉議提督移駐辰州府左營官軍全行移駐並添

設後營營制  
清冊

五年<sup>庚申</sup>改湖廣全省提督為湖南提督全上

嘉慶十八年武陵沅江水潰隄

詔酌予撫卹修築

常德府志

卷一

大政紀

八

卷一終